

pan cayente

PA E HUBENTUD CU MEGATON DI MENTE

AÑA 1 no 5

mei 1996

Redactor: M.T. Quilotte

GRATIS

Edwin Abath


'It's pay back time'

BESTUURSKANTOOR

Teniendo na cuenta e inquietudnan cu ta bibando ultimamente bow di e hubentud Arubano pa loke ta ser hasi pa nan ariba e nivelnan di mas halto cu ta e aparato gubernamental, Pan Cayente a hiba un combersacion cu sr. Edwin Abath.

Sr. Edwin Abath no ta un persona desconoci, e ta hefe di e Bureau pa Asuntonan di Hubentud.

Na aña 1992 Edwin Abath a hasi su entrada



den arena politico. Hunto cu esaki su preocupacionan pa cu hubentud a bay ariba un otro tipo di plan. Un plan mas ariba tereno politico y di gobernacion. Pa loke ta encera plannan mas concreto pa cu nos hobenan. Un maneho di gobierno pa hubentud. Na november di aña 1994 Edwin Abath a drenta den servicio di gobierno for di su trabow anterior na Dr. Horacio Oduber Hospital.

sigi lesa pag. 13

sr. Edwin Abath di Bureau pa Asuntonan di Hubentud

Dicho di luna:

Eenvoud is het

kenmerk van het ware

Ora cu un persona subi halto den sociedad y toch a keda simpel, ta muestra di cu e ta un bon hende.

WINDMILL

50% 50%
oro - 14 kt Citizen/Seko
20% tel: 35676
paña nobo pa henter famia
caya Betico Croes 82

FOR DI FORNO



Basic One den Pantaya Principal pag.3

PANTAYA PRINCIPAL

BLACK with ATTITUDE STYLE & INDIVIDUAL CHARACTER Nº1

Alias "BASIC ONE"

E pantaya di Pantaya Principal e luna aki ta grandi, pa e simpel motibo cu nos tin e guynan 'suave' di BASIC ONE.

Basic One manera hopi di nos no sa kier meen BLACK with ATTITUDE STYLE & INDIVIDUAL CHARACTER number ONE.

Basic One indudabel ta e grupo di momento.

Nan ta number uno ariba diferente Hit parades aki na Aruba.

E grupo ta consisti di 3 integrante, 2 di nan ta cantante y 1 ta disk-jockey (kende ta hasi e mix nan necesario).

E cantantenan ta Chiki Duro, alias Fazeone, y Twista. E D.J. ta King Damage, K.D..

Basic One en general

Basic One ya tin 6 año activo. Nan specialidad ta Rap. Tambe nan ta expresa e ritmo di Rub-A-Dub, Jazz Hip Hop y ultimamente nan ta den Soca. Pues nan ta variando nan musica.

Pa fin di luna nan lo tin ariba mercado nan C.D.. Tambe nan ta bezig cu un video clip cu ta un produccion di Pro Video.

E grupo ta wordo hopi aserca ultimamente pa entrevista y pa yudanan den nan proyectonan.


Semper nan kier a mira nan soño bira realidad, loke nan ta logrando tambe.

Rap ta un tipo di musica cu no ta wordo aprecia mucho na Aruba manera p.e. un merengue of salsa.

Door cu nan cancionan ta pegando mas y mas e ritmo di Jazz Hip Hop ta wordo gusta.

Basic One. Despues a bini un rapper nobo cu ta Reginald de Palm cu despues a bira polis.

Actualmente Twista a join e grupo pa mas o menos un año y mei pa dos año caba.



Historia

Manera ya nos a menciona ya Basic One tin 6 año di existencia. Basic One a ser lanta door di Chiki Duro y un amigo cu yama Dino Dirks y K.D.. Pa motibo di estudio Dino a bandona

Hitnan cu a pega

E promer cancion cu nan a pega tabata Natasha, e cancion a pega pero no e nomber di Basic One.

Despues nan a pega e cancion Materialista. Otro hit tabata Rabia cu sí a

trece e number di basic One den publicidad bow di e hubentud.

Actualmente ta pega e super hit cu ta Suave. Esaki a pega bow di hende grandi, mucha, hubentud, noem maar op!

Durante nan presentacion den e free concert ariba Plaza Betico ultimo muchanan chikito tabata canta e cancion Suave. Pues un cancion cu a hala atencion di tur hende.

E cancion Suave ta reflega aspectonan real di bida, manera nan ta bisa den peliculan e ta un "true story."

E cancion ta conta di e.o. 4 amistad di nan cu a fayese año pasa. Dos a murf di overdosis y dos di accidente den trafico. Nan edad tabata di 19 pa 27 año. E cancion no a wordo traha pa motibo di nan morto, sino pa e hobenan realisa/ta conciente loke ta pasando rond di nan. Nan morto a wordo usa como ehempel, pasobra nan a bay y mas por bay si nos no realisa nos mes di e peligernan cu tin rond di uso di droga y bebemento sin control.

E cancion ta cuminsa den un forma di wega pa despues bay den serio.

Pues e mensage ta cu no ta tur cos ta wega, cu un dia bo mester bira serio tambe. Nan a saké den e temporada di cuaresma caminda cu hopi cosnan straño sa pasa. Tin un dicho cu ta bisa; cu schrikkeljaar bo tin cu wak bon kiko bo ta hasí. Pues cosnan di bida real ta bini bek den e cancion.

Na varios radio emisora Suave ta number uno. E video clip di Suave lo ta e dianan aki ariba pantaya di Tele-Aruba, CSS y ATV. Den e video clip, partinan di San Nicolas a wordo usa. Lugarnan caminda cu e hobenan cu ya a fayese tabata frecuente. E participacion di e hubentud den e video clip tabata tremendo.

E cancion ta bay Corsow ariba C.D. hunto cu e video clip. Pa asina den un biaha nan por conquista e mercado di nos hermana isla. Nan ta expect di bende 1000 C.D. na Aruba. Pan Cayente ta calcula cu esaki lo ta rond di 3 pa 4 mil C.D. pa barata. Cuidao cu no ta mas pasobra ta hopi hoben ta loco pa tin un di nan.

sigi lesa pag.4



continuacion pag.3

Logronan di Basic One

Nan a participa den hopi concierto di cua nan tin cu bisa cu e ultimo free concert ariba Plaza Betico tabata un di esnan mas grandi pa nan. E cancion Suave tabata ser canta pa tur esnan presente, principalmente pa e muchanan.

Den pasado tambe nan a pasa den experencianan inolvidabel. Akinan nan a menciona concierto di El General, Lionel & Sweet Sensation, Inner Circle, Kassav y nan presentacionan durante practicamente tur weekend den Club Don Bosco, Roseland y mucho mas. Awor nan ta mas activo den actividadnan publico.

Proximo hitnan

Ta di spera cu nan proximo hit lo bira "4 di oktober" mihor conocí como e pushi. Pero nan a bisa Pantaya Principal cu e C.D. lo bira un full hit C.D.. Tin un slow reggea cu tambe lo bay pega cu yama "Difunto." Pues puro nombrenan straño. Tin un soca na hulandes cu ta priminti di ta un hit na Hulanda. E nomber ta "naaien."

Nan ta grabando bow di e label di Beach Bum Records cu ta sostiene tambe Robert y su Solo Banda Show, Tippaman & The Creators.

Nan kier gradicé pues Ochi

pa pañanan y tur e sosten cu e ta dunando nan. Tambe Pacheco cu ta tata di Chiki Duro, hubentud di Aruba, Reginald de Palm cu hinca e video clip den otro. Last but not least nan kier gradicé Leonard di Santa Cruz caminda cu nan ta hasiendo nan grabacionan.


Mensaje pa hubentud

E mensaje pa hubentud di parti di **Chiki Duro** di Basic One ta pa aunke nan ta

papia malo di hubentud, cu hubentud ta hasi malo, hubentud ta bulgar, sea conciente loke bo ta hasi. Si bo ta kere cu bo ta hasi bon hasié. Si bo ta hasi malo, no hasié.

Su mensaje pa San Nicolas

"With envy or jealousy we ain't going forward, so let we unite and hold hand together and going strong forward."



Faze One y Twista

E mensaje pa hubentud di Twista di Basic One ta cu nos hubentud ta pasando den hopi cos, jalousie, droga, sex, materialismo y hopi mas. Ta amazing pa mira con hobenan ta un stap dilanti den tur cos, promer cu nan tempo. Pues un biaha mas sea conciente y loke cu bo kier hasi no bula hasié sin pensa promer.

Su mensaje pa San Nicolas ta;

"Up here is everybody, we talk of one another. You get that everywhere but I know we can do better. Just do it. San Nicolas thanks for the support and everything. I hope you keep pushing us, we all grow together in Don Bosco. We are one!!!

Basic One ta haya e idea pa bini cu un corant pa hubentud den e caso aki Pan Cayente un idea super. Nunca nan a pensa cu lo bini cu algo asina. For di e momento cu nan a haya Pan Cayente den nan man nan a bisa cu esaki sí ta bay TOAST sigur.

Tambe nan ta bisa e hubentud di Aruba pa keda pendiente pa e jingle di Basic One pa Pan Cayente.

Pan Cayente ta bisa Basic One pa sigi cu e bon trabow cu nan ta hasiendo pa cu e hubentud di Aruba. Boso ta demostra cu Aruba tin hopi calidad bow di su hubentud!!!!

SIGNO DOMINANDO E ZODIACO



GEMINI mei 21- juni 21

Un signo di aire bow influencia di Mercurio. E ta e simbolo di dobel significacion y di hopi papiamento.

Esnan nací bow di e signo aki ta comunicativo y ta ser caracteriza pa nan bon sentido di humor. Nan capacidad intelectual y nan forma critico di analisa ta sirbi nan como guia pa ta inconvensional y pa confronta cualkier cambio den bida cu entusiasmo. Cu e don cu nan tin pa expresa nan mes, facilmente nan ta sera amistad, apesar di nan forma superficial pa mira cosnan ta limita nan capacidad pa huzga.

E gemini ta sumamente versatil: nan ta gusta tin diferente interes na e mesun momento na lugar di tin interes pa un solo objetivo. Den amor nan ta masha passionante pero nan ta curioso, y e caracteristica aki ta crea conflicto. Partinan debil di nan curpa ta nan brasanan y nan sistema respiratorio.

Dia di suerte:
diaranson
Number di suerte:
tres


Piedra:
aquamarino
Flor:
mimosa
Color:
berde

FIGUMARC FASHION

Marcos A. Peña
DESIGNER

Sta. Cruz 164
(banda di Connie Francis Club)

Un Mensage na e studentenan di Aruba



Hubentud estudiantil, aña escolar 1996 ta den su etapa final. Tin semper un solo "meta" presente, termina bo **ESTUDIO**. **ARUBA** asina mañan por ta **ORGUYOSO** y **BRIYA** di ta representa cu "**GUIA**"!!
Dia 9 di juli 1996 boso lo ricibi e regalo merecí mas grandi di "**GROOT VAKANTIE**."
SUCCESS!!!

Di Boso Amigo di Awe,
Mañan y Semper

GENIE